



REPUBLIKA E SHQIPËRISË

BASHKIA PUKË

KËSHILLI BASHKIAK

Pukë, më 13.02.2025

## RAPORT MBI PUNËN E KËSHILLIT TË BASHKISË PËR 12 - MUJORIN E VITIT 2024

Të nderuar këshilltarë !

Këshilli Bashkiak, si organi përfaqësues dhe vendimmarrës i qeverisë bashkiake, i ushtron përgjegjësitë e tij qeverisëse, duke respektuar parimet e demokracisë vendore, transparencës qeverisëse, ligjshmërisë, duke përdorur me ekonomi, efikasitet dhe efektivitet burimet njerëzore, financiare, fizike e natyrore si dhe teknologjike të Bashkisë.

Veprimtaria e Këshillit Bashkiak mbështetet në zbatimin e detyrimeve që burojnë nga ligjet, aktet nënligjore në zbatim të tyre si dhe rregulloret e miratuara nga vet këshilli.

Mëposhtë po paraqesim disa nga aktivitetet e Këshillit Bashkiak Pukë për vitin 2024:

### Vendimmarrja

Gjatë vitit 2024 janë zhvilluar 8 mbledhje komisionesh me pjesëmarrjen e 30 këshilltarëve. Numri më i madh i mbledhjeve të komisioneve është ai i komisioneve të përhershme ekonomiko-financiar , komisionit të mandateve . komisionet e tjera duhet të ishin mbledhur, por nuk janë mbledhur.

Për periudhën Janar – Dhjetor 2024, janë marrë 78 vendime gjithsej në Këshillin Bashkiak Pukë, nga të cilat për 41 vendime është shprehur pozitivisht për ligjshmërinë Institucioni i Prefektit të Qarkut Shkodër dhe 13 vendime janë kthyer për rishqyrtim, 3 vendime kanë marrë konfirmim pas rishqyrtimit. Vendimet e tjera nuk janë rishqyrtuar. Pra janë gjithsej 44 vendime , që kanë marrë konfirmim ligjor , 10 vendime pa konfirmim ligjor. . Po kështu janë dhe 24 vendime , por të cilat nuk ka detyrim të shprehet prefekti, sepse janë vendime individuale.

Numrin më të madh të vendimeve e përbëjnë vendimet që kanë të bëjnë me dhenie në përdorim , ndihma ekonomike, menaxhimi i burimeve njerëzore, drejtoria e finances, sektori i emergjencave dhe tatim-taksave, vendime të prezantuara nga këshilli etj.  
Mund të përmendim vendimet kryesore gjatë vitit të kaluar si:

1. Miratimi i ndihmes ekonomike , duke perdorur 6% te fondit.
2. Miratimi i buxhetit dhe paketes fiskale , po keshtu dhe zbatimi i kalendarit per procesin e buxhetimit
3. – Vendime per dhenien ne perdorim te siperfaqeve pyjore per zhvillimin e tyre nga biznesi.
4. Vendime per vleresimin me tituj nderi te personaliteteve te spikatura Brenda dhe jashte vendit.

Gjatë mbledhjeve të këshillit kanë marrë pjesë 11 këshilltarë. Mbledhjet frekuentohen mesatarisht nga 75 % e këshilltarëve. Jane disa keshilltar, që nuk marrin pjesë rregullisht në mbledhjen e këshillit dhe komisioneve, por vetem nje rast eshte penguar zhvillimi i mbledhjes per mungese pjesemarrje , por uroj te mos perseritet .

I gjithë dokumentacioni, projekt vendimet e shqyrtuara gjatë mbledhjeve të Këshillit është publikuar në faqen web të këshillit për tu dhënë mundësi qytetarëve të njihen me to, po keshtu dhe vendimet e keshillit te Bashkise. Në rregjistrin online për transparencën e mbledhjeve të këshillit janë dokumentuara të gjitha informacionet mbi mbledhjet, duke filluar nga thirrja e mbledhjes, oraret e mbajtjes, dhe procesverbalet e tyre. Mbledhjet e Këshillit janë transmetuar te gjitha online në facebook të Këshillit Bashkiak dhe te Bashkise Puke, por cilesia e transmetimit, kryesisht e zerit lë per deshiruar. Kjo i jep Këshillit Bashkiak një pavarësi në transmetimin pandërprerje livestream të mbledhjeve dhe i krijon mundësi të jetë transparent ne lidhje me të gjitha vendimet që merr dhe problemet që trajton për t'u ardhur në ndihmë qytetarëve.

### **Kërkesat dhe ankesat e qytetarëve**

Në Këshillin Bashkiak Pukë për periudhën Janar-Dhjetor 2024 janë regjistruar 15 kërkesa, per te cilat eshte informuar keshilli , eshte diskutuar ne mbledhjen me te afert dhe jane lene detyre per administraten e Bashkise , ndersa nje pjese e tyre jane zgjidhur nga keshilli. Pjesa më e madhe kërkesave ka qënë për emërtime rrugësh , vendosje memoriali, vleresim me tituj nderi, probleme sociale ne fshatra, zgjedhja e kryetarit te fshatit Puke dhe kërkesa për informacion etj. Ka shumë pak ankesa nga qytetarët, me të cilët duhet shtuar komunikimi për ti ftuar ata të adresojnë shqetësimet e tyre tek Këshilli Bashkiak.

Gjatë kësaj periudhe nuk ka patur peticione dhe nisma të qytetarëve te depozituara në Këshill. Këshilli Bashkiak në kordinim me Bashkinë do ti japë përgjigje të gjithe shqetësimeve të qytetarëve me mundësitë që ka në dispozicion. Të gjitha kërkesat dhe ankesat janë të publikuara në rregjistrin online të kërkesë-ankesave në faqen web të Këshillit Bashkiak.

### **Konsultimi me publikun**

Këshilli Bashkiak i ka kushtuar vëmendje të veçantë dëgjësave publike per projektaktet per te cilat kerkohet nga ligji. Jane zhvilluar 5 seanca degjesa publike per 2 projektakte , për

miratimin e taksave dhe tarifave vendore në Bashkinë Pukë, Per miratimin e projektbuxhetit Afatmesem 2025-2027 në Bashkinë Pukë. Në dëgjesa morën pjesë gjithsejt 129 qytetar e qytetare , 112 meshkuj dhe 17 femra, qytetar, biznese, grupe interesi, anëtar këshilli konkretisht, u dhanë 48 rekomandime në dëgjesa publike nga te cilat pjesa dermuese u moren parasysh nga bashkia ne hartimin e buxhetit dhe paketes fiskale.

**Rekomandimet jane si me poshte:**

- Përmirësimin e infrastrukturës rrugore rurale,
- Mirëmbajtjen e urave ekzistuese ne fshatra dhe ndërtimi i urave të reja,
- Rikualifikim urban në disa lagje të qytetit
- Përmirësimi dhe zgjerimi i rrjetit të ndriçimit publik,
- Mirëmbajtja e kanaleve vaditëse dhe rendeve të ujit dhe ndërtimi i rendeve të reja
- Përmirësimin e shërbimeve publike, ujësjellësi në disa fshatra,
- Përmirësimin i sinjalistikës rrugore,
- Mirëmbajtjen e varrezave publike,
- Me shumë fonde dhe vemendje për emergjencat civil

**Aktivitetet kryesore të Këshillit**

Gjate vitit 2024 në bashkëpunim me Projektin “Bashki të Forta” është realizuar një trajnim 2 ditor për këshilltarët në ambientet e Këshillit Bashkiak dhe dy trajnime per komisionet e keshillit ne Lezhe e Shkoder..

Këshilli Bashkiak Pukë për aktivitetet e vitit 2024 kishte planifikuar të shpenzojë per 500.000 leke dhe nga kjo shume ka shpenzuar 30 % te buxhetit te planifikuar. Pjesa më e madhe e buxhetit është shpenzuar per kancelari e degjesa. Nga këto shpenzime janë të përjashtuara shpenzimet per honoraret e këshilltareve.

Këshilli Bashkiak ka miratur planin e Aktiviteteve, Vendimarrjes dhe Konsultimeve për vitin 2025 të shoqëruar me një buxhet prej **14,167,580** Leke. ( përfshire paga e honorare )

Këshilli Bashkiak këtë vit ka organizuar 2 fushata advokimi në facebookun e Këshillit Bashkiak për të nxitur pjesëmarrjen e qytetarëve në vendimarrje, duke i ftuar qytetarët të bëhen pjesë aktive në dialogun me qeverisjen vendore, të përdorin instrumentet e Këshillit për zgjidhur problemet e tyre dhe për ti kërkuar llogari apo të zgjidhin problemet e tyre nëpërmjet kërkesë/ankesave që mund të drejtojnë te Këshilli, mund të ndjekim mbledhjet online apo të marrin pjesë në dëgjesat publike për projekt akte te ndryshme apo për buxhetin e Bashkisë.

Sekretari i Këshillit  
**Hazbi Tërbuni**

